




Ramdingkhawm Myanmar Rampi


Hluatdaw
Kutkaih Cabu



(ချင်း-လိုင်ဇိုး ဘာသာဖြင့် ထုတ်ဝေသည်။)

Ramdingkhawm Myanmar Rampi





A Sung Thu

1.	Hluatdaw Ruang-am	4
1.1	Hluatdaw Kumcam	4
1.2	Hluatdaw Ruang-am	5
1.3	Hluataw Upa	6
2.	Hrilawknak Tuahdaan	9
3.	Hluatdaw Palai Pawl	10
3.1	Hluatdaw Palai pawlih tel daan	11
3.2	Hluatdaw Palai pawlih Tuahṭuannak Pawl	13
3.3	Me Thlaktu Senpi Pawl Hrang Tuahṭuannak	14
3.4	Palai Pakhat Ih Ni Hmadaan	14
4.	Hluatdaw Ṭuanvo Pawl	15
4.1	Hluatdaw Chiarmen le Vice Chairman Hriltninnak, President le Vice President Pawl Hriltninnak	16
4.2	Senpi Aiawhnak	16
4.3	Upadi Tuahrem	18
4.4	Ukawknak le Thuthennak Pawlkom Pawlih Cangvaihdan Kilkhawi	18
4.5	Hluatdaw Lairelnak	18
5.	Hluatdaw Lairelnak Ih Tuahṭuan Mi Pawl	19
5.1	Pyidaungsu Hluatdaw Lairelnak	20
5.2	Pyithu Hluatdaw Lairelnak le Amyotha Hluatdaw Lairelnak	21
5.3	Upadi Tuahdaan A Sangsang	22
5.4	Thusuhnak le Thubur mi pawl	24
5.5	Budget Cek le Siansaknak	25
5.6	Senpi Telnak	25
6.	Hluatdaw Kawmiti Pawl	26
6.1	Hluatdaw Kawmiti Pawlih Ṭuanvo	26
6.2	KawmitipawlDinnak	27
7.	Hluatdaw Vehvaihnak	29
7.1	Hluatdaw Vehvaitu Ih Thlun Ding	30
7.2	Hluatdaw Pawlih Bomnak Pekmi pawl	30
7.3	Pehtlaihnak	31

Thuhmaihruai

Pyidaungsu Hluatdaw, Hluatdaw pawl Ṭhansohnak Ṭuanrel kawmiti in a ṭum khatnak Ramdingkhawm Myanmar Rampi Hluatdaw kutkaih ca-zem a suah thei ruangah ka lungawi zet.

Myanmar ram Democracy rampi tundinnak ah dinhmun athupi zetmi Hluatdaw hi a kum a no zet lai. A ṭum khatnak kum 5 tikcu a cem hnu, a ṭum hnihnakh kum 3nak a hmang rero lai a si. Senpi palai pawl thawn dinmi Hluatdaw le senpi pawl nelawkw ṭul lai fangah kukaih ca-zem a suah hi tikcu remcang zet a si.

Hih kutkaih ca-zem in Hluatdaw hnaṭuan daan theifiang dingih ra vehvaitu senpi pawl tampi a bawm thei ding. Hluatdaw ih a raleng thei hrih lo tu senpi pawl le tlawngta nauhak pawl khal theihnakh a pe thei ding a si.

Hluatdaw ih Upadi tuahnakh, kilkhawinakh le senpi aaiawhnakh hnaṭuan pawl cu senpi pawl in lunglut zetih an telpi tikah Hluatdaw hnaṭuan a cak dingih hmual a nei sinsin ding a si. Senpi ih Hluatdaw an rinnakh ahngetkhoh lawngah Democracy ih parzu famkim ten an ngah ding a si.

Kutkaih ca-zem suah thei dingih thiamnaklam bawmnakh petu German Bundestag, Bundesrat le Hanns Seidel Foundation, sumpai bomnakh petu German ramleng vuanzi zung parah kan lungawinakh kan tarlang a si.





U Tun Tun Hein
Chairman
Hluatdaw Pawl Ṭhansohnak
Ṭuankhawm Pawlkom (JCC)

1. Hluatdaw Ruang-am


1.1 Hluatdaw kumcam

Hluatdaw kumcam cu Pyithu Hluatdaw ih a tum khatnak
Regular Meeting thokni ihsin kum nga a si.



kum
(5)

1.2 Hluatdaw Ruang-am



440
PALAI

+

224
PALAI




664


HLUATDAW PALAI MIPUM ZATEKOM




Peng/Mipum sirhsan in **Pyithu**
Hluatdaw palai 330 ai ih tamlo an
hril.



Ramthenpi le ramkulh ah
bangran ten palai 12 ciar an hril
mi **Amyotha Hluatdaw palai 168**




Kilhimawknak ralkap lubik
in Upadi vekih a hril mi
Pyithu Hluatdaw ralkap
palai 110 hnaki h tamlo mi
Ralkap palai



Kilhimawknak Ralkap
lubik in Upadi vekih a hril
mi **Amyotha Hluatdaw**
ralkap palai 56 hnaki h
tamlo mi Ralkap palai

1.3 Hluatdaw Upa



Pyithu Hluatdaw kumcam thokni ihsin hmaisa thla (30) ah Amyotha Hluatdaw Chairman le Vice Chairman pawlin Pyidaungsu Hluatdaw Chairman le Vice Chairman tñanvo an la dingih, neta thla (30) ah Pyithu Hluatdaw Chairman le Vice Chairman pawlin Pyidaungsu Hluatdaw Chairman le Vice Chairman tñanvo an la ve ding.

HMIN
U T Khun Myat

VOTE THLAKNAK BIAL
Kut Khai

PARTY
Bulpak

- Pyithu Hluatdaw Chairman

HMIN
Mahn Winn Khaing Thann

VOTE THLAKNAK BIAL
Karen Ramkulh Vote thlaknak bial (8) nak

PARTY
National League for Democracy

- Amyotha Hluatdaw Chairman

HMIN
U Tun Tun Hein

VOTE THLAKNAK BIAL
Nawngkio

PARTY
National League for Democracy


- Pyithu Hluatdaw Vice Chairman

HMIN
U Aye Tha Aung

VOTE THLAKNAK BIAL
Rakhine Ramkulh Vote thlaknak bial (6) nak

PARTY
Arakan Natioanal Party

- Amyotha Hluatdaw Vice Chairman



Hrilawknak Pawl

2010

2015

2020

Kum (5) ah veikhat hrilawknak tuah a si.

2. Hrilawknak Tuahdaan


Myanmar ramih hrilawknak tuahdaan cu vote (me) ngah tambik in nehnak co in hriltlin an si. Ramkulh le Ramthenpi pakhat le pakhat ankauh daan le mipum zat a bangawk lo vekin Hluatdaw palai pakhat ciar in senpi mipum an aiawh zat khal a bangrep lo.

Peng/Mipum sirhsan in Vote thlaknak bial 330 ihsin pakhat ciar hril a si ih, Pyithu Hluatdaw palai 330 ai ih tamlo lawng hril an si. Amyotha Hluatdaw hrang ahcun ramkulh le ramthenpi 14 ihsin bangran in palai 12 ciar hriltlin an si.


Rampi dinhmun Hluatdaw pahnih le Ramkulh le Ramthenpi Hluatdaw pawl hrangah kum nga ah veikhat a tikcu bangran tein hrilawknak an tuah.




3. Hluatdaw Palai Pawl



3.1 Hluatdaw Palai Pawl






3.2 Hluatdaw palai pawl in Hluatdaw ih an tuahtuanmi pawl

- Danhrampi vekin Upadi tuah ding thubur, zohhhiah, relkhawm, thencat
- Thubur le Thusuhnak.
- Rampi le me thlaknak bial thansonak hrangah daanhrampi dokalh lo ten, pehparmi thuneitu le pawlkom pawl thawn tuahtuan tlang.



- Rammi senpi hamthatnak hrangah Hluatdaw kawmiti pawlin Hluatdaw ihsinramdingkhawm pawlkom, ramkulh le ramthenpi pawlkom pawl pehtlaih in hnahtuan.
- Vote thlaktu senpi pawl Hluatdaw vehvai dingih sawm.


National League for Democracy	134
Union Solidarity and Development Party	12
Arakan National Party	10
Shan National League for Democracy	3
Ta'ang National Party	2
Zomi Congress for Democracy	2
Mon National Party	1
National Unity Party	1
Pa-O National Organization	1
Bulpak	2
Rakap Palai	56
Total	224



Lailak hrilawknak tuah tinten a tlun ih palai mipum zat a thleng aw thei.

3.3 Vote thlaktu senpi pawl hrang tuahtuannak

"Hluatdaw ih tuahtuan mi pawl Vote thlaktu senpi pawl hnen simfiang"



Hluataw Ih Hnatuan pawl

3.4 Palai pakhat ih Ni hmadaan

- Vote thlaktu senpi pawl hrang aiawh ih hnatuan
- Hluatdaw lairelnak tel
- Hluatdaw lairelnak theh hnu ah kawmiti ih hna pawl tnan
- Zircinnak, hnatuan relkhawmnak tel
- Acozah, tualsung mithiam pawl le vuanzi zung pawl thawn hnatuan dan dingpawlan relkhawm.



4. Hluatdaw Ih Hnaṭuan

Hluatdaw pawl ih hnaṭuan cu


- Hluatdaw Chairman, Vice Chairman hriltlin le President, Vice President pawl hriltlin
- Senpi aiawh
- Upadi tuah
- Uknak le thuthennak pawlkom pawlih tuaṭuannak pawl kilkhawiawk ton hi a si.



4.1 Hluatdaw Chiarman, Vice Chairmanhriltlin le President, President sangtu pawl hriltlin

Pyithu Hluatdaw le Amyotha Hluatdaw pawlah Hruaitu (Chairperson) pakhat veve an hril hmaisa ta. Cule hriltlin tikiḥ ṭuanvo la dingih lungkim cia palai pawl cu Hotu dingah hmin

an bur. Mi pakhat lawng an si ahcun Hotu ah hriltlin an si cih ih mi pakhat ai ih an tam ahcun thupme thlak in an hril.



Pyithu Hluatdaw palai pawlkom, Amyotha Hluatdaw palai pawlkom le, ralkap palai pawlkom pawl cu lairelnak an tuah cio ih, Vice President dingah mi pakhat ciar an thun. Cu pawl cu President, Vice Presidentsinak zohhliatu pawlkom pawlin an sinak a famkim

le famkimlo an cek. Cuisin Vice Presidentding pathum lakah Pyidaungsu Hluatdaw ih Vote ngah tambik cu Rampi President ah a cang ih, a tanglai mi pahniḥ cu Vice President an si cih. with the most votes is elected as President. The other two become Vice-Presidents.

4.2 Senpi aiawhnak

Hluatdaw hi senpi pawl aiawhtu hmualneibik pawlkom pakhat a si.

“Senpi Aw –Hluatdaw Aw


Senpi Duhnak – Hluatdaw Duhnak

Senpi Ruahsannak – Hluatdaw in tuahsuak”

timi Hluatdaw thuken vekin Hluatdaw in a zuam rero a si.

4.3 Upadi Tuah

Rampi President, Ramdingkhawm huap pawlkom, Hluatdaw kawmiti pawl telin, ramdingkhawm acozah pawlkom le Hluatdaw palai pawlih Upadi thubur pawl cu relkhawm, thuthen, thencat, san thawi remaw lo Upadi pawl rem, kom bet, bal, a thar ngansalnak pawl an tuah. Senpi nun a humhm ih thangso ter theitu Upadi si dingah Hluatdaw ahrelkhawm in thu an thencat.



4.4 Uknak le Daan Thuthennak Pawlkom pawlih Cangvaihna Kikhawi Ton

Hluatdaw palai pawlin Uknak le Daan Thuthennak pawl cu Hluatdaw lairelnakah thubur, thusuh le, Kawmiti thusuah thannak thawn an kilkhawi a si. Senpi pawlih tulsam mi pawl le theih duh mi thu pawl cu palai pawlin Hluatdaw zung ihsin ramdingkhawm acozah zung ah siseh ramdingkhawm thuthennak zungpi pawlah an thlen sak thei. Cuhleiah acozah vuanzi zung pawlih tuahtuannak pawl cu Upadi vekin a thlingthla ih a kilkhawi a si.

4.5 Hluatdaw Lairelnak

Hluatdaw lairelnak hi kum khat ah a malbik veikhat tuah ding a si. Punghman lairelnak veikhat tuah hnu ih thla 12 kim hlan ah lairelnak tuah sal ding a si. Hluatdaw lairelnak ah a ni khatnak ih palai a hrek ai tam an kai ahcun lairel a theih. Palai a hrek ai ih an mal ahcun a ni thin a ngah. An thin ni ah palai then thum ih then khat an kim ahcun lairel theih a si.

Hluatdaw lairelnak hi acozah zung on ni zinglam nazi 10 ihsin simlam nazi 4 tiang tuah theih a si. Caan bikhiah luan tiang lairel a tul tikah Hluatdaw thuthennak in caan sau ter bet a ngah.



Hluatdaw Lairelnak ih Tuahtuan Mi Pawl




5. Hluta Daw Lairelnak ih Tuahtuan Mi Pawl

5.1 Pyidaungsu Hluta Daw

Pyidaungsu Hluta Daw lairelnak lawngih relkhawm ding a tanglam pawl cu Pyidaungsu Hluta Daw ah an relkhawm ih thu an then.

1. Rampi Budget Upadi
2. Rampi Khuakhangnak Upadi
3. Ramdingkhawm Siah Upadi

Cuhleiah Pyithu Hluta Daw le Amyotha Hluta Daw pawlih lungkim tlang theilo mi thuhla pawl relfel dingah le Upadi pawl thencat dingah Pyidaungsu Hluta Daw ah an relkhawm.



Pyidaungsu Hluta Daw lairelnak ah a tanglam ih thu pawl an tuah.


- (a) Rampi President ih thuchah simmi ngankhum
- (b) Rampi President ih capi kuat mi le Hotu ih siannak thawn cakuat dang pawl siar le ngankhum
- (c) Upadi tuah dingih thubur, relkhawm, thencat
- (d) Pyidaung Hluta Daw in thu a thencat cia mi Upadi pakhat khat thawn pehparaw in Rampi President ih pomdan pawl relkhawm le thencat
- (e) Danhrampi ih tarlang vekin Pyidaungsu Hluta Daw ih hnahtuan ding thu pawl relkhawm le thu thencat
- (f) Pyidaungsu Hluta Daw ih thuthan pek mi pawl relkhawm, thencat, ngankhum
- (g) Thubur, Relkhawm, thencat
- (h) Thusuhnak, Thulehnak
- (i) Pyidaungsu Hluta Daw hotu ih siannak a pek mi pawl tuahtuan

5.2 Pyithu Hluta Daw Meeting le Amyotha Hluta Daw Meeting


Pyithu Hluta Daw Meeting le Amyotha Hluta Daw Meeting ah a tanglam ih thu pawl an tawrel.

- (a) Rampi President ih thuchah sim mi ngankhum
- (b) Rampi President capi kuat mi le Hotu ih siannak mi capi dang pawl siar
- (c) Upadi tuah dingih thubur, relkhawm, thencat
- (d) Daanhrampi ih thusuah vekin Hluta Daw in a tuahtuan ding pawl relkhawm, thencat
- (e) Pehparmi Hluta Daw pawlih thuthan pek mi pawl relkhawm, thencat, ngankhum
- (f) Thubur, Relkhawm, thencat
- (g) Thusuhnak, Thulehnak
- (h) Pehparmi Hluta Daw hotu ih siannak a pek mi pawl tuahtuan

5.3 Upadi Tuahdaan A Sangsang




Daan thawn remaw ih Upadi tuah ding an bur mi pawl cu Pyithu Hluta daw asilole Amyotha Hluta daw pakhat khat ah an relkhawm dingih Hluta daw pahnih ih an lungkim tlang ahcun Pyidaungsu Hluta daw in a pompi ti theih a si. Hluta daw pahnih ah an thu a bangaw lo ahcun Pyidaungsu Hluta daw ah an kuat ih an relkhawm sal hnu ah thu an ðencat.



Pyidaungsu Hluta daw in Rampi President hnenah Upadi tuah dingmi a kuat mi cu President in ni (14) sungah pomsak nak hmin a khen thei. Asilole Upadi tuah ding mi cu zohfiang sal dingah le remsal dingih ruahnak pe in Pyidaungsu Hluta daw ah a kuatkir sal thei. Pyidaungsu Hluta daw cun a rel sal dingih President ih a remsal daan vek in siseh a kel vek cekci in President hnenah a kuat sal. Cuti'h a kuat sal ni, cuihnu ni khat ihsin ni (7) sungah President in hmin a khen ah siseh hmin a khen lo ah siseh Upadi ah a cang cih a si.

5.4 Thusuh le Thubur



Thusuhnak timi cu

Ramdingkhawm acozah ih tuahtuannak thu siseh, Vote thlaktu senpi pawlih t ulsam mi silhkhah sak thei dingah Hluatdaw palai pawlin Hluatdaw pahltlang in ramdingkhawm acozah pawlkom hnenah thu an sut.



Thusuhnak phunphun

Pehparmi zung pawlin hna an tñan sak rero mi thu thawn pehparin senpi ih theih duh mi le an tñan tñeh zo nak dinhmun pawl cu Hluatdaw palai pawlin vuanzi zung hnenih thu an suh tikah thusuhnak phun hnih a um. Cupawl cu

- Arsi thailang thusuhnak (Vuanzi zung in Hluatdaw ah a ra simfiang ding)
- Arsi thailanglo thusuhnak (Vuanzi zung in ca in a let ding)



Thubur timi cu


Rampi le rammi pawlih hamthatnak.ding.thu,Acozah pawlkom.thawi pehpar.... mi thu, Chaiperson ih siansak mi thuhla dang pawl Hluatdaw ah thu an bur. Cui thubur mi pawl cu pehparmi zung pawlin a tñl dan vek ih tuah dingah a nor ding a si.

5.5 Rampi Budget Zohfel le Siansak

Ramdingkhawm acozah pawlkom ih Rampi Budget a rawn thun mi cu Pyidaungsu Hluatdaw in mitam lungkimnak in a rak lungkimpi, a rak el, a tñumsak a si.



Lungkimnak	Elnak	Tñumsaknak
------------	-------	------------



5.6 Senpi Telnak


Senpi pawlin an sunralnak pawl cu pehpar mi kawmiti ah an thlen, zatlang pawlkom pawlih ruahnak pek mi pawl relkhawmnak an tuah, Upadi tuah ding thu thawn pehpar in senpi in Hluatdaw ah ruahnak peknak ca an rawn kuat. Cuti vekin senpi pawl thawn hna an tñantlang rero a si.

6. Hluatdaw Kawmiti Pawl

6.1 Hluatdaw Kawmiti Pawlih Sinak



Hluatdaw komkhawm lairelnak ih a hnapihik pawl a terek tiang t̃uansaktu kawmiti pawl hi Hluatdaw sungih Hluatdaw fate an si tiah an ti.



Hluatdaw komkhawm lairelnak cun rammi pawl parih Upadi hnaṭuan daan a terek tiang relkhawmnak can an nei lo. Curuanghai Hluatdaw sungah kawmiti pawl an din. Cui kawmiti pawl cun Upadi pawl an zohhlih, rampi pawl parah Upadin in hmual a neih dan pawl theifiang dingah an hliakhlai. Cuhleiah rammi, mithiam, tualsung pawlkom pawl hnenah thuron an la. Hluatdaw komkhawm lairelnak ih hnaṭuan thupibik pawl cu a terek tiang t̃uansaktu kawmiti pawl hi Hluatdaw sungih Hluatdaw fate an si tiah an ti.

Hluatdaw ciar ih kawmiti pawl cun ramdingkhawm acozah pawlkom ih vuanzi zung pawl an thlingthla ih an kilkhawi aw ton. Rammi pawlih covo pawl kilhim sak dingah an zuam rero fawn.

Cui kawmiti pawl cun anmah thawi pehpar mi thuhla pawl an hlaikhlai hnu ah Hluatdaw ih relkhawm dingah thuhla an thlen sal.

6.2 Kawmiti Dinnak

Pyidaungsu Hluatdaw

Pyidaungsu Hluatdaw ah Upadi Kawmiti, Pyidaungsu Hluatdaw Palai pawl Zohhlihahnak Kawmiti le Senpi Sum Cazin Kawmiti tiah Kawmiti pathum a um. A t̃ul a si ahcun Pyidaungsu Hluatdaw ah palai pawlin tikcu bikhiah tuah in Upadi Tuahnak, Ukawknak, Ramhrin Miphun thuhla, Sumdawnnak, Sumpai, Pawlkomnak, Ramdanghuhla pawl lawng silo in t̃uantlangnak kawmiti dang khal a din bet thei. Thuhla dang khal hliakhlai aṭul ahcun Hluatdaw palai pawl le rammi pawl thawn tikcu bikhiah tuah in Kawmisin (Commission) a din thei.

Tufang ahcun Pyidaungsu Hluatdaw in Upadi Thuhla le, Thil Thupi Hliakhlaitu Kawmisin a din zo.

Pyithu Hluatdaw le Amyotha Hluatdaw

Pyithu Hluatdaw le Amyotha Hluatdaw cun cahmai khatlam ih tarlang vekin tlaitluan Kawmiti pawl an din zo ih, Upadi tuahnak, ukawknak, ramhrin miphun thuhla, sumdawnnak, sumpai, pawlkomnak, ramleng thu le thuhla dang pawl hrang a t̃ul dan vekih tikcu can bikhiah in Kawmiti a din thei.

Upadi Tuahnak Kawmiti

Pyidaungsu Hluatdaw
Palai Pawl Zohhlihahnak
Kawmiti

Senpi Sum Cazin
Kawmiti

T̃uantlangnak Kawmiti
dang pawl cu Hluatdaw
palai pawl thawn tikcu
bikhiah tuah ih din theih
a si.



Thuhla dang hliakhlai a t̃ul ahcun Hluatdaw palai pawl siseh a remcangmi senpi pawl siseh tel ter in a t̃ul dan vekih tikcu bikhiah tuah in Kawmisin le Pawlkom din theih a si.



PYITHU HLUATDAW

4 Tlailuan Kawmiti Pawl

- Upadi Tuahnak Kawmiti
- Senpi Sum Cazin Kawmiti
- Hluatdaw Covo Kawmiti
- Acozah ih Amkamnak, Tiamkam le tñanvo Laknak Pawl Hliakhlainak Kawmiti

15 Sungthu Kawmiti

1. Ramdang Pehtlaihna Kawmiti
2. Ramhrin Miphun Thuhla le Ramsung Remdaihnak Tñanrel Kawmiti
3. Rammi Pawlih Covo Tlangpi Kawmiti
4. Fimthiam Khaisannak Kawmiti
5. Harhdamnak le Lehpannak Tñansohter Kawmiti
6. Bank le Sumpai Thuhla Tñansohternak Kawmiti
7. Cinthlak, Vulhzuatnak le Khawte Nuntukhawsak Tñansohternak Kawmiti
8. Lothlo Pawl le Hlawhfa Thuhla Kawmiti
9. Lei Sungsuak le Khuarel Kiangkap Kilkhawinak Kawmiti
10. Sumdawnnak le Sumpai Tñansohternak Kawmiti
11. Phurhkuatnak, Pehtlaihna le Saktuahnak Kawmiti
12. Sumhram Phumnak le Cetzung Kutzung Tñansohternak Kawmiti
13. Meisa Tha le Cet Tha Tñansohternak Kawmiti
14. Senpi Thuhla Khawkhannak Kawmiti
15. Daan Thuñhennak le Upadi Thuhla Kawmiti

AMYOTHA HLUATDAW

4 Tlailuan Kawmiti Pawl


- Upadi Tuahnak Kawmiti
- Senpi Sum Cazin Kawmiti
- Hluatdaw Covo Kawmiti
- Acozah ih Amkamnak, Tiamkam le tñanvo Laknak Pawl Hliakhlainak Kawmiti

13 Sungthu Kawmiti


1. Ramdang Pehtlaihna, Hluatdaw Nelawknak le Tñankhawmnak Kawmiti
2. Acozah Silo Ramsung Ramleng Pawlkom Pehpar Kawmiti
3. Harhdamnak, Lehpannak le Nunphung Pehpar Kawmiti
4. Ramhrin Miphun Thuhla Kawmiti
5. Lothlo Pawl Thuhla Kawmiti
6. Numi le Nauhak Covo Pehpar Kawmiti
7. Fimthiam Khaisangnak Kawmiti
8. Ramsung Ramleng Hlawhfa Pehpar Kawmiti
9. Rammi Pawlih Covo Tlangpi, Democracy le Milai Covo Thuhla Kawmiti
10. Lei Sungsuak le Khuarel Kiangkap Kilkhawinak Kawmiti
11. Senpi Pawlih Heknak Ca Pehpar Kawmiti
12. Cicinnak, Vulhzuatnak le Tisung Hna Tñansohternak Kawmiti
13. Saktuahnak, Cetzung, Meisatha le Cettha Pehpar Kawmiti

7. Hluatdaw Vehvaihnak

Hluatdaw palai pawl cu senpi ih hritlin mian si. Curuanga senpi pawl in Hluatdaw palai pawl ih tuahtuannak pawl an hmuh thei nak dingah Hluatdaw an vehvai a tha.



7.1 Hluatdwa Vehvaih Tikih Thlun Ding Pawl



7.2 Hluatdaw Ciar Ih Bomnak Pawl

**A vehvaitu pawlih dilnak le tikcu remcang
daanah thumaw in a tanglam vekin tawrel
sak an si.**

- (a) Lairel daan zohhliah
- (b) Hluatdaw Calai Buk le Acozah thilri
retkhawlnak zohhliah
- (c) Hluatdaw innpi pawl zohhliah
- (d) Hluatdaw Palai pawl thawn tonawknak
- (e) Hluatdaw ih hminsinn tlak langsar pawl
hliakhlai

- (a) Senpi pawl cun an vehvaih duh mi
Hluatdaw pakhat khat (Pyidaungsu
Hluatdaw, Pyithu Hluatdaw, Amyotha
Hluatdaw) ih Hluatdaw Zung thuneitu
ih hnenah ni thum hlankhan in ca a kuat
cia ding.
- (b) Cuti ca a kuat tikah a tanglam ih tarlang
mi pawl famkim ten an nganlang dingih
ca in siseh, email in siseh, Fax in siseh
an kuat thei.
 - 1. Vehvai ding ni le tikcu
 - 2. Vehvaitikih a teltu ding pawlih
hmin cazin le hmatpungtin nambat
 - 3. Ramdang mi asile Passport nambat
le ngankhum salmi (Copy)
 - 4. Pehtlaihna ding Phone nambat
 - 5. Mawtaw nambat le Mawtaw
mawngtu ih hmin le hmatpungtin
nambat pawl kuat tel ding a si.
Harsatnak a um asile pehpar mi
palai pehtlaih in bomnak dil a
ngah.
- (c) Hluatdaw a vehvaitu pawl cun
Hluatdaw ih daan tuahmi pawl a thlun a
tul.

7.3 Pehtlaihna

Pyidaungsu Hluatdaw Zung

Fax, Phone: 067 591414, 067 591309

Website: www.pyidaungsu.hluttaw.mm

Email: visitorservices.pds@gmail.com

Online ihsin dilnak : <https://pyidaungsu.hluttaw.mm/visitors/register>

Pyithu Hluatdaw Zung

Fax, Phone: 067 591283

Website: www.pyithu.hluttaw.mm

Email: observerpyithu.dpm@gmail.com

Online ihsin dilnak : https://www.pyithuhluttaw.gov.mm/online_register

Amyotha Hluatdaw Zung

Fax: 067 591241

Phone: 067 591240

Website: www.amyotha.hluttaw.mm

Email: amyothahluttaw@gmail.com

ir.dept@amyotha.hluttaw.mm

Online ihsin dilnak: <http://www.amyotha.hluttaw.mm/visiting?q=node/480>



Hi ca-zem cangsuak thei dingih in bawmtu
cu Ministry of Foreign Affair le, Hanns
Seidel Foundation le, German Bundestag le
Bundsrat an si.

ISBN

978-99971-937-3-5

A Suahtu

U Tun Tun Hein
Chairman
Hluatdaw Ṭhansohnak Ding Hrang
Ṭuankhawmnak Pawlkom (JCC)

Cangantu

Hluatdaw Kutkaih Ca-zem Tawltreitu Pawlkom

A lettu

Mai Pansy Ṭa Mawi

Layout

Mote Oo Education

Zuk

ZZDD

Graphic Design

Karen Vinalay

Hleice Theihpitnak

Hluatdaw Ṭhansohnak Ding Hrang Ṭuankhwmnak
Pawlkom (JCC), The German Bundestag le
Bundesrat, Achim Munz, Mya Thet Nwe,
May Phone Myint

Nay Pyi Taw 2019 – A vei Khatnak suah mi

Ca-zem suahsal, zemdarh le, ṭonglehnak pawl zate
ih thuneitu cu Hluatdaw Pawl ṭhansohnak
ṭuankhawmnak Pawlkom (JCC) Chairman,
U Tun Tun Hein a si.

To

"Cauk Laksawng"

From

ISBN 978-99971-937-3-5



9 789997 193735 >

